

大日本史

五十二

第一百十卷
 葛城圓 平群真鳥 蘇我稻目
 物部弓削守屋
 第一百十一卷
 藤原鎌足 蘇我倉山田石川麻呂 巨勢德太古 多治比島 石上麻呂
 第一百十二卷
 蘇我赤兄 中臣金 大伴吹負 村國男依 三輪高市麻呂 栗隈王
 大伴安麻呂
 第一百十三卷
 小野妹子 坂合部石布 栗田真人 多治比縣守 中臣名代 小野石根 藤原葛野麻呂

和書門	二〇二五八
類	一五〇
號	一三
函	一
架	一
册	一

内閣文庫	
番號	和 20258
册數	150 (52)
函號	138 195

架册〇九一
六五曆和

内閣文庫	和書
二〇二五八	類
一五〇	號
一三	函
一	架
一	册



大日本史卷之一百十

淺草文庫

列傳第三十七

權中納言從三位源光圀 修

男權中納言從三位綱條 校

玄孫權中納言從三位治保重校

葛城圓

平羣真鳥

蘇我稻目

物部弓削守屋

子境部摩理勢

捕鳥部萬

葛城圓大使主、玉田宿禰子也。公卿補任履中朝

與平羣木兔、蘇我滿智、物部伊呂弗共執朝

政、安康帝之為眉輪王所弒也。圓時為大臣、

境黑彥皇子與眉輪俱走、匿圓宅。雄略帝使

圓出之。圓報曰、臣嘗聞人臣有故、逃入王室、

未聞諸王匿人臣家。今皇子與王來、託生於

臣、臣何忍出之。帝乃遣兵圍之。圓將出門請

罪、因索脚帶、其妻授之。悲傷作歌。圓束裝既

畢、出而跪拜曰、臣雖就戮、不敢奉命。匹夫不

可奪志。大王寧不聞之乎。願獻臣女韓媛與

葛城宅七區、以得贖罪。帝不許、命火其宅。圓

等皆焚死。日本紀

平羣真鳥、木兔子也。紀氏系圖雄略帝即位

為大臣、歷仕清寧、顯宗、仁賢三朝。及仁賢帝

崩、太子未登祚、真鳥擅弄威福、陰謀不軌、佯

為太子營宮、遂自居焉。而日益驕慢、無人臣

禮。時太子竊悅物部麤鹿火女影媛、遣人約

期。影媛嘗與真鳥子鮪通、而恐忤旨、乃對曰、

日本紀 卷一百廿 傳

妾謹待於海柘榴市巷，太子將往，遣舍人求官馬於真鳥，真鳥戲之曰：「官馬爲誰飼養，隨命而已，久而不進之。」太子恚之，遂至期所，與立歌場，攬袂躑躅，鮪突來排之，立於其間。太子乃逡巡，向鮪而歌，鮪答歌而去。太子贈歌於影媛，鮪代之答，於是太子始知其有姦，震怒真鳥父子不敬之狀，卽夜至大伴金村宅，圖討之。金村率兵數千，徼鮪於路，捕而戮之，乃樂山。○本書註一說云：鮪影媛追至，驚惶宿影媛舍，其夜被戮。

悲泣，收埋其尸。

○按古事記以此爲仁賢帝事，而影媛作菟田首女名大

魚且云顯宗仁賢二帝相議發既而金村奉兵誅鮪而不載金村名，今不取。

命，將兵圍真鳥宅而焚之，真鳥衆潰，自度不

免，悉詛海鹽，遂伏誅，闔門無遺。太子卽位，是

爲武烈帝，當真鳥詛鹽，偶忘角鹿海鹽，自是

尚食唯供角鹿海鹽，餘不御云。

日本紀

蘇我稻目宿禰，石川宿禰玄孫也。

姓氏錄 韓

子，父高麗。

公卿補任

稻目宣化帝元年爲大臣，欽

明帝時，百濟王明獻金銅釋迦佛像，帝欲禮

之歷問羣臣、稻目曰、西蕃諸國皆禮之、我國何獨不然、於是帝使稻目拜之、稻目大喜跪受、而安置小墾田家、勤修爲事、遂捨向原家爲寺、號向原寺、是爲佛祠之始、百濟王明爲新羅所殺、其子餘昌使弟惠奏之、帝聞而傷焉、使許勢臣問之曰、汝欲留此土乎、惠答曰、願多賜兵革、報先考之仇、稻目復問曰、聖王識達天地、名溢四表、一旦罹禍、其咎何由、今何策以鎮國家、惠曰、臣性愚蒙、不知大計、况


禍福所倚、國家存亡乎、稻目曰、往昔大泊瀨天皇時、汝國爲高麗所逼、危甚於累卵、天皇使汝國祭祀我建邦之神、由是社稷安寧、頃聞汝國怠而不祀、方今悛悔前過、豐潔祭祀、則國可以安矣、汝謹勿忘、二十三年、大伴狹手彥還自高麗、以其所獲美女、及甲刀鐘幡若干遺稻目、稻目納其二女爲妻、居輕曲殿、三十一年薨、日本紀子馬子、境部摩理勢、○氏錄稻目子有男小馬子逆臣傳、祚臣附以備考

境部摩理勢推古帝崩無嗣時摩理勢姪蝦夷爲大臣竊與摩理勢議所立摩理勢嘗與豐聰耳太子相善建言當立山背大兄王蝦夷欲以遺詔立田村皇子再使阿倍摩呂中臣彌氣問摩理勢摩理勢曰嚮者面與大臣議決何更使人傳言邪怒甚是時宗族咸廬于馬子冢上摩理勢乃毀其廬歸家不出蝦夷不懌遣身狹勝牛錦織赤猪謂曰衆非汝是我必違衆從汝衆是汝非我當背汝從衆

我前知汝言不是而干支之義不忍加害汝執迷不回我與汝生隙國家亦亂然則後世將言我二人敗國是遺惡名於千載也勿獨自異摩理勢不從遂奔斑鳩居于泊瀨王家蝦夷大怒令羣卿請大兄王曰頃者摩理勢違臣匿於泊瀨王宮願得之推問其所由大兄王乃諭摩理勢以從羣議摩理勢哭泣還家居之十餘日泊瀨王薨摩理勢歎曰我生復誰恃矣蝦夷遣兵擊之摩理勢聞兵至率

仲子阿柳、出踞胡牀、開門而待、來目物部伊
 區比、縊殺之、瘞其屍於一處、長子毛津逃匿
 尼寺、輒與其尼姦、一尼妒而發之、兵來圍寺、
 毛津入畝傍山、自剄而死、日本紀
 物部弓削守屋、尾輿子也、公卿補任繼父為大連、
 敏達朝佛法漸行于世、大臣蘇我馬子首崇
 信之、守屋心不喜之、頗有所規諫、十四年人
 民多疫死、守屋與大夫中臣勝海、俱奏曰、自
 先朝以逮、陛下疾疫流行、生民將絕、此豈非

由蘇我臣首倡佛法歟、請宜禁絕、詔從之、守
 屋躬自往寺、踞于胡牀、毀塔宇、燔佛像、棄餘
 燼于難波堀江、是日、無雲而雨、守屋被雨衣、
 責馬子及其徒信佛者、遣佐伯御室、○本書註一名書
 礙、於閭逮馬子所崇信三尼、馬子啼泣出之、吏
 人奪其衲衣、撻於海石榴市、馬子甚恥之、由
 是構怨、○本書註一說曰、物部守屋大三輪
 逆、中臣磐余謀欲燒寺塔、棄佛像、滅
 佛法、馬子不從、守屋嘗與穴穗部皇子相善、皇子
 陰抱異志、使守屋率兵攻三輪逆、守屋往斬



之馬子歎曰、天下之亂不久矣、守屋曰、非汝小子之所知也、用明帝二年、帝不豫、詔欲歸佛、令羣臣議之、守屋勝海又奏曰、背國神而敬蕃神、臣等所未知也、唯馬子贊之、引豐國法師入宮中、守屋大怒、睨視、押坂部毛屎密告守屋曰、今羣臣圖君、將要於路、守屋乃退居於阿都別業、聚兵自衛、勝海亦聚兵應之、作彥人竹田二皇子像厭之、既而勝海知事不成、適水派宮、歸于彥人皇子、舍人迹見赤

檮伺其出宮、而擊殺之、守屋使人謂馬子曰、竊聞羣卿謀我、我故退焉、而馬子益招集其黨、日夜警備、及帝崩、守屋欲舍諸皇子、而立穴穗部皇子爲嗣、託獵淡路、而與穴穗部皇子相謀、事泄、馬子遣兵殺穴穗部皇子與宅部皇子、而與泊瀨部、竹田、豐聰耳、難波、春日諸皇子、及紀男麻呂、巨勢比良夫、膳賀施夫、葛城烏那羅、俱率師攻守屋、遣大伴嚙阿部人、平羣、神手、坂本糠手、春日臣、從志、紀郡抵

澁河家守屋親率子弟及家兵築稻城拒戰。兵勢甚壯，守屋登樹兩射，諸皇子軍恐怖，三退。豐聰耳及馬子整兵進攻，迹見赤檮射墮守屋，遂殺守屋並其子，軍潰。其衆舉被皂衣，為獵廣瀨勾原而遁。子男親戚或有變姓名逃匿者，時人謂曰：蘇我大臣之妻，物部大連之妹也。大臣妄用妻計，而亡舅家。日本紀捕鳥部萬守屋資人也。當馬子攻守屋，將兵一百，守難波宅，聞守屋死，乘夜潛逃，抵茅渟。

有真香色，與其妻訣，遂匿山中。朝廷議萬懷逆心，當盡族誅。會萬身被救衣，執弓劍而來。有司遣衛士數百圍之，萬隱于叢篁，以繩繫竹搖之，令人謬已所在。衛士疑惑，萬連射倒數人。衛士恐不敢近，萬遁走。衛士追射，皆不能中。有一人疾馳伏于河上，射萬中膝。萬拔其矢，張弓發箭，乃倒地號呼曰：萬將為天皇之盾而効其勇，何不問其故。窘迫至此，吁汝等來前，願聞我罪。追兵競馳射之，萬連截飛。

矢殺三十餘人、既而投弓劍于河、以刀子自刺其首而死、河內國司奏狀、朝廷下符、斬爲八段、分陳八國、臨斬雷鳴大雨、萬有畜狗、繞屍而吠、遂啣其頭、收置古冢、臥其側、不食而死、國司奏之、朝廷下符曰、此事可觀於後、許使其族收葬、由是築雙墓於有真香邑、葬萬及狗、國司又言、是役也、戰死於餌香川原者數百、身首異處、姓名難辨、唯認衣色收之、有櫻井田部膽滄所養狗、能識其主、接續身首、

伏側守之、待人收其屍而去、

日本紀

大日本史卷之一百十終

大日本史卷之一百一十
 列傳第九
 藤原鎌足
 蘇我倉山田石川麻呂
 巨勢德太古
 治比島子水守
 廣足

大日本史卷之一百一十一
 列傳第三十八
 權中納言從三位源光圀
 修

權中納言從三位源光圀
 修

男權中納言從三位綱條
 校

玄孫權中納言從三位治保
 重校

藤原鎌足

蘇我倉山田石川麻呂

巨勢德太古

治比島子水守
 廣足

大日本史 卷一百一十一 列傳

石土麻呂 子乙麻呂

藤原鎌足、一名鎌子、本姓中臣、父御食子為

小德冠、釋書曰、和州高市郡人、○日本紀舒

明紀有中臣連彌氣、御食人也、其先天兒屋根命、

為瓊瓊杵尊輔臣、天兒屋根孫天種子命、仕

神武帝有功、掌祭祀、神皇正統記、職原鈔、天種子八世

孫大鹿島命、系圖、垂仁朝為大夫、日本紀、帝建天

照大神祠於伊勢、命為祭主、職原鈔、大鹿島十

一世孫常磐大連、欽明朝始賜姓中臣、常磐

生可多能祐大連、御食子乃可多能祐子也、

系圖、鎌足、皇極帝三年拜神祇伯、稱病不就、退

居三島、孝德帝龍潛之日、與鎌足相親善、會

有足疾不朝、鎌足往侍宿于宮、帝素重鎌足

容貌志氣難犯、敬待特異、命寵妃阿倍氏、淨

掃別殿、設新薦、所須靡不具給、鎌足深感知

遇、因所候舍人通翼戴之意、帝大喜、當是時

蘇我入鹿挾不臣之心、闕闕社稷、鎌足慨然

有匡濟之志、竊察宗室諸王有為之主、乃屬

意於天智帝、然不能通情、一日陪天智帝、蹴鞠於法興寺槻樹下、帝鞋隨鞠而脫、鎌足跪奉之、帝亦跪受之、自是相善、俱布肺腑、無所伏藏、然恐數會人生嫌疑、託學周孔之道於南淵先生、每相往來、密謀于路、無計不相協、鎌足曰、成大事者、不可無毗輔、大王宜與蘇我石川麻呂結婚成好、而後與之謀、成功之路、莫近於茲、帝大悅從之、鎌足往說石川麻呂、進其女、於是石川麻呂赤心奉帝、鎌足又

薦佐伯子麻呂、葛城稚犬養綱田、四年六月三韓朝貢、天智帝告石川麻呂曰、三韓進調之日、卿當讀表、吾欲入誅入鹿、卿宜知其意、石川麻呂諾、及期天皇御大極殿、入鹿爲人多疑、晝夜帶劍、鎌足教俳優調誘之、入鹿笑而解劍、乃入就位、天智帝自執長槍、鎌足持弓矢警備、使海犬養勝麻呂授匣中兩劍於子麻呂、綱田斬入鹿、子麻呂恐甚、以水送飯、卽反咩、鎌足叱而遣之、子麻呂等猶畏縮不

發天智帝先入急擊入鹿子麻呂等相繼而進遂斬殺入鹿其父蝦夷亦伏誅事平皇極帝欲傳位於天智帝天智帝告鎌足鎌足曰古人大兄殿下之兄也今殿下越次承大統恐失恭遜之義而輕皇子殿下之舅也臣愚以為不如讓輕皇子以答民望天智帝從其言乃密奏之遂立輕皇子是為孝德帝帝以鎌足為內臣授大錦冠增封若干戶日本紀○愚管

鈔大織冠傳並曰二千戶續日本紀天平寶字元年藤原仲麻呂言淡海大津宮皇帝功

田一百町賜臣曾祖藤原內大臣乙巳歲功田月太政官奏大織藤原內大臣乙巳歲功田麻呂為天智帝所賜者文雖異事則一附以備考詔曰社稷獲安寔賴公力軍國機務惟公處分公卿補任鎌足懷至忠之誠居官司之上進退廢置無言不聽白雉五年授紫冠增封戶天智帝即位二年十月鎌足疾病帝臨其第親問所患曰天道輔仁何言之虛積善餘慶猶是無徵若有所欲言便可以聞鎌足奏曰臣之不敏生則無益軍國死不欲擾百姓葬

事願從儉素、時論稱之、尋使大海人皇子就

第賜大織冠、授大臣位、日本紀位在左右大臣

上、公卿補任賜姓藤原氏、因稱藤原内大臣、

明日薨、帝再臨其第、使大錦上蘇我赤兄宣

恩詔、賜金香爐、日本紀○本書註引日本世

於山南、碑鎌足二子、長僧定慧、入唐留學、元

享釋書、定慧傳曰、孝德帝妃孕六月、賜之鎌

足、生男、即定慧也、源平盛衰記曰、天智帝賜

亦無確據、今不取、次不比等、自有傳、初葬鎌

足於攝津阿威山、定慧歸自唐、改葬大和多

武峯、肖像祀焉、後世國家將有大變、則其像

破裂、朝廷遣使禱之云、初談峯緣起○緣起曰、

談和州倉橋山藤花下、謀誅入鹿、因號其地

曰談峯、鎌足嘗謂定慧曰談峯之為地也、東

連伊勢山、西對金剛山、南界金峯山、北隣大

神、山其靈勝、不唐之五臺、我百歲後、卜兆

域於此、則後葉繁衍矣、定慧歸自唐、憶其言、

遂改葬于此、談峯、且創伽藍、名曰妙樂寺、按談

峯緣起、不知誰人撰、或曰、藤原兼良撰、其所

載、事迹與日本紀全同、而問有異者、多涉怪

附、蓋後成人剽掠日本紀文、出

蘇我倉山田石川麻呂、大臣馬子之孫、倉麻

呂之子也、系皇極帝四年、與中臣鎌足合謀、

誅蘇我入鹿、孝德帝即位、拜右大臣、阿倍倉

梯麻呂拜左大臣、共賜金策日本紀置左右大

臣始于此公卿補任倉梯麻呂其先出自大彥命

姓氏錄一名內麻呂、又稱大鳥大臣公卿補任石川

麻呂有異母弟曰日向、字身刺、大化五年譖

石川麻呂於皇太子曰、臣兄石川麻呂謀伺

殿下遊海濱、以為凶逆、太子信之、遂奏于帝、

帝遣大伴狛、三國麻呂、穗積嚙等鞫問反狀、

石川麻呂曰、我當詣闕自陳、狛等奏之、帝乃

遣兵圍其宅、石川麻呂攜二子法師赤狛本

書註一道茅渟而奔倭、先是長子興志在山

田營佛寺、聞變迎石川麻呂於今來、擁入佛

寺、興志欲拒追兵、石川麻呂不聽、興志猶聚

兵、欲燒小墾田宮、石川麻呂聞其謀曰、汝愛

死乎、曰否、石川麻呂乃諭興志及山田寺僧

徒曰、夫為人臣子者、豈構逆於君、失孝於父

耶、我造此伽藍、亦非為身謀、唯祈天祚之永

久也、而今被身刺之讒、陷不測罪、所以逃來

年德太古位為小德黨蘇我入鹿襲山背大
 兄王於斑鳩宮及入鹿被誅其黨集兵謀作
 亂德太古奉天智帝命諭以逆順賊黨潰散
 孝德朝授小紫大化五年進太紫○按續其本紀廢帝
紀稱難波長柄豐崎朝大臣大繡為左大臣
德太古而日本紀不載其進大繡
 白雉元年新羅貢調使知萬沙飡等著唐服
 泊筑紫朝廷惡其恣易俗譴責還之德太古
 奏曰今不伐新羅後必有悔請自難波津至
 筑紫海多泛戰艦以盛形勢召新羅問其罪

彼必懾服議竟不行日本紀齊明帝四年薨年

六十六公卿補任子黑麻呂至中納言小錦中黑

麻呂二子曰邑治○本書或作曰小邑治續

日本紀邑治持統朝為監物坐事罷官日本紀後任

參河守授務大肆大寶元年從粟田真人為

遣唐使大位後任播磨守為右大辨養老二

年任中納言尋為攝津攝官神龜元年進正

三位是歲薨小邑治位從五位上子界麻呂

○界或為邑治所養承其後事聖武孝謙朝

累遷從三位、為參議、紫微大弼、兼兵部卿、天

平寶字二年、參預改易官名、五年薨、續日本紀

多治比島、○日本紀天武紀、多治比音讀通、上殖葉皇子

曾孫、多治比古王第四子也、續日本紀、三代實錄、第四子據

公卿補任、○續日本紀補任、多治比古王生

之夕、臨浴、多治比花飛浮釜中、因為瑞、名多

治比古王、請賜姓、乃賜多治比公、以名為姓、

存其舊也、三代實錄、貞觀八年、天武朝、鳥為筑紫太宰、

改公賜真人、持統朝、自直廣貳進直廣壹、增

封百戶、通前二百戶、四年進正廣參、拜右大

臣、增封三百戶、通前五百戶、數年請致仕、賜

輿杖、假資人一百二十人、日本紀文武朝為左

大臣、優其高年、賜靈壽杖及輿、大寶元年授

正二位、七月薨、年七十八、詔遣三品刑部親

王、正三位石上麻呂、就第弔賻、續日本紀、年七十八、據公

卿補任、五子池守、縣守、水守、廣成、廣足、池守、縣

守、自有傳、守、廣成、廣足、池守、縣守、自有傳、

水守、大寶中為尾張守、時太上天皇將幸參

河至尾張賜水守封一十戶遷河內守和銅
 初為近江守至從四位下有政績賜田一十
 町穀二百斛衣一襲入為右京大夫除宮內
 卿四年卒續日本紀子土作公卿補任至參議從四位
 上續日本紀二十日公卿補任三品公卿補任
 廣足天平中歷上總守刑部兵部卿勝寶元
 年拜中納言二年授從三位寶字初姪犢養
 禮麻呂鷹主黨于橘奈良麻呂敕曰廣足昏
 耄不教諸姪悉為賊徒如此之人何居宰輔

宜辭官以散位歸第四年薨續日本紀

石上麻呂本姓物部連大連目之後衛部宇

麻呂子也續日本紀○本書宇麻呂作宇麻

定之又按舊事紀馬古今考公卿補任

印大刀食封千煙奉齋神宮而日本紀及諸

無所載今壬申之亂帝大友敗走大臣以下

皆散獨麻呂從之天武朝授大乙上為遣新

羅大使踰年而還授小錦下進直廣參日本紀

改賜今姓錄姓氏持統朝赴筑紫監新城尋進

直廣壹假資人五十日本紀進直大壹文武朝

為筑紫總領、尋拜中納言、大寶元年授正三位、為大納言、兼太宰帥、○按源氏河海鈔為太宰帥始于此者誤

慶雲元年拜右大臣、益封二千一百七十戶、

和銅元年累進正二位、轉左大臣、遷都平城、

麻呂為難波京留守、養老元年薨、續日本紀日年七

十八、公卿補任帝深悼廢朝、遣式部卿長屋王、左

大辨多治比三宅麻呂、就第弔賻、贈從一位、

百姓追慕、無不痛惜、又賜其家純一百匹、絲

四百約、綿一千斤、布二百端、子乙麻呂、續日本紀日

乙麻呂、天平中為丹波守、陞左大辨、坐姦久

米若女、流土佐、後召還、歷西海道巡察使、常

陸守、右大辨、遷中務卿、二十年授從三位、勝

寶元年拜中納言、二年薨、續日本紀乙麻呂為人

穎秀、雍容閑雅、潛心典墳、兼愛篇翰、懷風藻尤

好和歌、萬葉集其在南荒、臨淵吟澤、寫心文藻、

著銜悲集二卷、傳于世、天平中選遣唐使、無

出乙麻呂右者、因為大使、眾悅服、然不果行、

懷風藻子宅嗣、自有傳、

大伴吹負

馬來田 小部 阿閉 呂鉤

大分 惠尺

物部 朴

井雄君 呂

三輪 子首

坂田 雷

紀堅 呂

大分 稚見

秦網手

星川 呂

三宅 石床

舍人 糠蟲

星川 呂

土師 真敷

膳摩 漏

八國

當麻 廣麻呂

羽田 八國

蚊屋木間

大伴 友國

文智德

蚊屋木間

賀茂 蝦夷

多品治

蚊屋木間

若櫻 部五百

瀨山 和部

君手

田中 足麻呂

山背 部小田

君手

坂上 老布

縣犬 養大伴

君手

忌部 色布

知民 大火

君手

高田 新家

書根 麻呂

君手

黃文 大伴

君手

君手

村國 男依

三輪 高市 麻呂

栗隈 王子 三野 王

大伴 安麻呂

近江朝廷紀綱不振、臯夔訐謨、召虎勲庸、咸無聞焉、然而革除之際、興廢之會、各守所見、克行其志、豈天理人心之公、不容泯滅者歟、苟非如斯、則何以維持綱常乎、蘇我赤兄至、智尊凡十八人、或死或匿、或執或流、跡雖各異、而終不負所事、故事雖載于本紀、甄其姓

名以錄示此其他如佐伯男物部麻呂仕天
武累受官爵穗積百枝物部甘尚遭執復釋
並不得列于此若夫紀大太倍執爐之盟其
罪不言可知矣

蘇我赤兄大臣馬子孫倉麻呂子也公卿補任齊

明帝幸牟婁温湯赤兄為留守會有間皇子

謀反赤兄乃收皇子及其黨悉誅之語在有

間皇子傳天智帝二年拜筑紫率位大錦上

四年為左大臣日本時稱藏大臣公卿補任是歲

帝疾大漸赤兄及右大臣中臣金御史大夫

蘇我果安巨勢人紀大人侍皇太子皇太子

手執香爐起盟赤兄等同盟天武帝即位以

罪處流日本紀

中臣金可多能祐連孫糠手子連子也系圖天

智帝三年班幣諸神時金宣祝詞四年正月

宣神事是月拜右大臣十一月與左大臣蘇

我赤兄等盟于西殿壬申之亂帝大友崩于

山前天武帝殺金於淺井田根其子配流日本

紀

蘇我果安、天智帝四年為御史大夫、壬申之亂、奉詔與山部王巨勢人將兵數萬、軍于大上川上、將襲不破、既而與人相謀、殺山部王、軍亂不進、果安自犬上還、自到、天武帝即位、流其子、日本紀

巨勢人

○人或作比等

父大海、推古朝為小德、

續日本紀

人、天智朝為大錦下、四年任御史大夫、

○日本續

紀為中納言大雲未詳

壬申之亂、與蘇我果安謀、軍犬

上川、及帝大友崩、與子孫共被流、

日本紀

子奈

氏麻呂、聖武孝謙二朝、累官民部卿、春宮大

夫參議、左大辨、天平中賜金牙飾斑竹杖、累

遷神祇伯中納言、兼北陸山陰兩道鎮撫使、

為大納言、敘從二位、天平勝寶五年薨、

續日本紀

書藥、忍坂大麻呂、壬申之亂、與韋那磐鋏奉

詔徵兵東國、比至不破、為伏兵所執、磐鋏逃

歸、日本紀

穗積百足、壬申之亂、奉詔赴倭京徵兵、與留

守司高坂王營于飛鳥寺西為大伴吹負所

誘殺日本紀

樟磐手壬申之亂奉詔往吉備徵兵手殺國

司當摩廣島日本紀不知其所終

田邊小隅壬申之亂將兵越鹿深山卷幟息

鼓至倉歷定軍號以別敵兵眾皆銜枚夜半

斫營事出不意營將田中足麻呂不知所為

眾悉亂走足麻呂獨知軍號以故僅免小隅

又進襲荊菽野營為多品治所邀擊而敗走

日本紀不知所終

境部藥秦友足壬申之亂將兵與村國男依

戰兵敗而死日本紀

壹岐韓國壬申之亂將兵與坂本財戰于衛


我川破之進戰于葦池為大伴吹負所敗日本紀

日本紀不知所終

大養五十君谷鹽手壬申之亂將兵與村國

男依戰于粟津兵敗而死日本紀

廬井鯨壬申之亂隸大養五十君將兵擊大



伴吹負營不利敗走日本紀不知所終

社戶大口土師千島壬申之亂與村國男依

戰于安河上而敗並被執日本紀與村國

智尊壬申之亂將兵為帝先鋒大戰于瀨田

兵敗死之日本紀如負而敗

天武稱兵其迹不可掩毀信效逆恃疆陵弱

遵養時晦惟有慙德而猛將謀臣雲集影從

大伴吹負至黃文大伴三十五人際會風雲

樹立殊勲率皆識時達變之士也生登榮顯

死受賻贈朝廷醜功之典亦可謂優矣置始

菟出雲伯膽香瓦安倍等舊史不記卒年弔

賻贈位亦無聞也如其事跡既載諸本紀故

不揭于此日本紀曰高市皇太子

大伴吹負咋之子也續日本紀曰大伴連男吹負

卒以壬申歲之功贈大錦中位續日本紀曰

咋子連子贈大錦中位吹負蓋吹負男吹負

元非二人而間有男字者慷慨有大志欲匡

濟艱艱立名當世及天武帝潛居吉野察時

有變稱疾居于倭然知帝終踐天位帝入東

國吹負留而不從、結親族豪傑、得數十人、時留守司高坂王及興兵使者穗積百足、營于飛鳥寺西、吹負密與留守司坂上熊毛謀、召漢直等戒曰、我詐稱高市皇子、率兵出飛鳥寺北、臨高坂王營、汝等爲內應、因治兵百濟家、先使秦熊過而呼曰、高市皇子自不破至、從兵甚衆、營兵聞之逃走、吹負率數十騎來、與熊毛及諸漢直等連和、營兵悉歸附、時百足自小懇田兵庫、輸器仗于近江、吹負以高

市皇子命名百足、百足至飛鳥寺、吹負執而斬之、遂諭高坂王稚狹王從軍、又執穗積五百枝、物部日向、旣而釋置軍中、遣大伴安麻呂、坂上老、佐味少麻呂於不破、奏之、天武帝大喜、拜吹負爲將軍、於是三輪高市麻呂、賀茂蝦夷等諸豪傑多來附、吹負選其英俊爲別將軍監、將襲近江、乃赴乃樂、比至稗田、有人傳近江軍自河內至、吹負分遣坂本財、長尾真墨、倉牆麻呂、民小鮪、谷根麻呂于龍田、

佐味少麻呂于大坂、賀茂蝦夷于石手道、兵各數百、吹負自屯乃樂山、荒田尾赤麻呂謂曰、古京是根本之地、不可不守也、吹負即遣赤麻呂、忌部子人於古京、赤麻呂等毀橋爲盾、列街衢而禦守、明日吹負與大野果安戰于乃樂山、敗績、僅以身免、果安追至八口、見街衢列板、知其有備、引兵而還、數日吹負至墨坂、會置始菟率千餘騎來援、因合其軍、還屯金網井、招聚散卒、聞帝大友兵自大坂至、

提兵西至當麻、與壹岐韓國戰于葦池、麾下壯士來目、揮刀急馳衝陣、騎兵繼進、大破之、斬獲甚多、吹負下令曰、舉兵之本意、非殺百姓、惟誅元凶、勿妄殺矣、韓國棄軍而逃、吹負令來目射之、不中、收兵還營、東軍多至、吹負分兵上中下三道、身自中道、帝大友將犬養五十君、遣別將廬井鯨率精兵二百、衝吹負軍、麾下兵寡不能拒、唯大井寺奴德麻呂等五人爲先鋒、俱進連射、鯨軍不能進、三輪

高市麻呂置始菟進自上道戰于箸陵大破
帝大友軍乘勝斷鯨軍後鯨前後受敵士卒
狼狽軍大亂鯨單騎逃走馬陷水田不能復
前吹負召甲斐壯士指示曰騎白馬者鯨也
宜急追射追兵既及鯨急策馬得脫倭地悉
定吹負進經大坂至難波諸將亦自三道並
進至山前屯于河南吹負留難波小郡令西
國諸司獻官鑰驛鈴傳印天武帝之得天下
也吹負功居多十一年卒贈大錦中初吹負

軍金網井時高市郡大領高市許梅口噤不
言三日神憑曰我是高市社神事代主牟狹
社神生靈也當以神馬兵器獻神日本磐余
彥天皇陵我已奉皇御孫送不破宮還護本
軍今敵軍將自西道至宜爲警備言訖殆如
夢覺吹負乃遣許梅祭陵如神所教并奉幣
二神又村屋神憑祝曰敵兵將至自中道過
我社宜速設備俄而壹岐韓國來自西道廬
井鯨至自中道果如其言事平吹負具狀奏

之敕陞三神位以祀焉日本紀吹負子祖父

麻呂牛養並仕聖武朝祖父麻呂從四位下

越前按察使牛養至正三位中納言續日本紀

馬來田○本書一吹負兄也初與吹負居倭

及天武帝入東國與黃文大伴追從焉日本紀

帝即位論功封一百戶續日本紀十一年卒帝甚

悼之遣泊瀨王弔之以其累葉立功贈大紫

賜鼓吹葬之日本紀○續日本紀子道足○公卿補

任為安麻呂子未知何據仕文武元正聖武朝至參議正

四位下南海道鎮撫使大寶元年賜父封四

分之一道足子伯麻呂勝寶初除上野守累

遷至從四位下寶龜中拜參議宴飲談話頗

有風操光仁帝寵幸之歷左大辨衛門督中

宮大夫加從三位延曆元年薨續日本紀

小子部鉏鈎為尾張國守壬申之亂天武帝

入不破比及郡家鉏鈎率眾二萬來歸帝喜

之分遣其兵扼諸道及與近江兵戰鉏鈎匿

山自殺帝曰鉏鈎有功者也無罪自死其有

陰謀乎日本紀

坂本財、壬申之亂、為大伴吹負裨將、事平授

大錦上、帝元年卒、贈小紫日本紀

紀阿閉麻呂、壬申之亂、拜東道將軍、天武帝

即位、優詔褒功、二年卒、贈大紫日本紀

大分惠尺、壬申之亂、天武帝使往近江、召高

市、大津二皇子、及帝至伊勢、與大津皇子來

會、三年病劇、詔曰、惠尺背私奉公、不顧身家、

竭力大事、以成雄圖、朕素欲優寵、而今無及、

儻終不起、厚報子孫、因進位外小紫、無何而

卒日本紀

物部朴井雄君舊事紀曰、守屋子物部雄

大紫冠位、按守屋被殺、在用明帝二年、至壬

申之亂、相距八十八年、頗非無疑、故不取、

壬申之亂、以舍人從車駕於東國日本紀、天武

帝即位、論功封一百戶續日本紀、四年卒、贈內大

紫、賜氏上日本紀、大寶元年、敕賜封四分之一

於其子續日本紀、三輪子首或本書子首為伊勢國介、壬申之

亂降于天武帝紀日本論功封一百戶本續紀日本四

年卒贈内小紫謚大三輪真上田迎君紀日本

大寶元年敕賜封四分之一於其子本續紀日本

坂田雷天武帝四年卒以壬申功臣贈太紫紀日本

紀日本

紀堅麻呂或堅本書位小錦下天武帝元年

為造高市大寺司七年卒以壬申功臣贈大

錦上紀日本

大分稚見或本書見以勇敢稱壬申之亂從

大津皇子會天武帝于伊勢瀨田之戰為先

鋒破帝大友軍天武帝即位為兵衛七年卒

贈外小錦上紀日本

秦綱手位小錦下天武帝八年卒以壬申功

臣贈大錦上紀日本

星川麻呂位小錦中紀日本賜功田四町本續紀日本

天武帝八年卒以壬申功臣贈太紫紀日本子

黑麻呂從七位上靈龜二年以父功賜田日續

紀本

三宅石床、為伊勢國守、壬申之亂、降于天武
 帝、位至小錦下、八年卒、贈天錦下、日本紀
 舍人糠蟲、位太山上、天武帝十年、授小錦下、
 尋卒、以壬申功臣、贈大錦上、日本紀
 土師真敷、天武帝十年卒、以壬申功臣、贈大
 錦上、日本紀
 膳摩漏位、小錦中、天武帝十年疾病、帝遣草
 壁高市二皇子問疾、尋卒、以壬申功臣、贈大
 紫賜賻、皇后亦賜賻、日本紀

當麻廣麻呂、位小錦上、天武帝十三年為直
 大參、卒、以壬申功臣、贈直太壹、日本紀
 羽田八國、○本書八或作矢壬申之亂、為帝大友將、
 與子大人率族降于天武帝、授斧鉞拜將軍、
 北定越地、位大錦下、十一年奉詔畫諸國封
 疆、至大辨、位直大參、朱鳥元年疾、帝為度三
 僧、卒、贈直大壹、日本紀
 大伴友國、壬申之亂、從天武帝于東國、持統
 帝六年卒、贈直大貳、賜賻、日本紀

文智德○本書文壬申之亂從天武帝赴東

國日本帝即位論功封一百戶賜田四町續日本

本九年授小錦下持統帝六年卒贈直大壹

賜賻日本子鹽麻呂從七位上大寶元年賜

父封四分之一靈龜二年加賜田續日本

蚊屋木間持統帝七年卒以壬申功臣贈直

廣參賜賻日本

賀茂蝦夷壬申之亂與三輪高市麻呂屬將

軍大伴吹負後授勤大壹持統帝九年卒贈

直廣參賜賻日本

多品治為美濃安八磨郡湯沐邑令壬申之

亂天武帝命品治發郡內兵守不破關別將

精兵擊田邊小隅走之位小錦下十一年奉

詔與伊勢王等循行諸國界畫封疆持統帝

十年授直廣壹加賞賜以褒元從之功日本

若櫻部五百瀨壬申之亂從天武帝于東國

日本帝即位論功封八十戶續日本持統帝十

年卒贈直大壹賜賻日本大寶元年敕賜封

四分之一於其子

續日本紀

和珥部君手壬申之亂與村國男依發兵塞

不破關從擊近江

日本紀

八十戶賜田八町位勤大壹卒贈直大壹子

大石敘外從五位下天寶元年賜父封四分

之一靈龜二年加賜田

續日本紀

田中足麻呂為伊勢湯沐邑令壬申之亂迎

天武帝于鈴鹿守倉歷道

日本紀

武帝二年卒贈直廣壹

續日本紀

山背部小田壬申之亂從天武帝於東國承

命發東海軍

日本紀

位勤大貳卒文武帝二年

贈直廣肆

續日本紀

坂上老從大伴吹負吹負招降高坂王老與

大伴安麻呂等奏狀於不破宮

日本紀

三年卒詔曰圖勲之義肇自前脩創功之賞

歷世斯重所以旌壯士之節著不朽之名也

坂上忌寸老壬申之亂捨生赴社稷之危冒

魂、以慰冥路、因贈直廣壹、賜賻、

續日本紀

縣犬養大伴、壬申之亂、從天武帝于東國、

日本紀

紀事平、論功封一百戶、

續日本紀

第視之、

日本紀

廣肆夜氣王等、就第宣詔、贈正廣參、賜封四

分之一於其子、

續日本紀

忌部色布知、位正五位上、大寶元年卒、以壬

申功臣贈從四位上、

續日本紀

民大火、壬申之亂、從高市皇子、會天武帝于

伊勢、

日本紀

位從五位下、大寶三年卒、遣使贈

正五位上、賜賻、

續日本紀

高田新家、為伊勢湯沐邑令、壬申之亂、迎天

武帝于鈴鹿、

日本紀

事平、封四十戶、

續日本紀

十三

年與輕部足瀨等往信濃、造行宮、

日本紀

位正

六位上、大寶三年卒、贈從五位上、賜賻、子首

名、慶雲元年賜父封四分之一、

續日本紀

書根麻呂、

續日本紀

壬申之亂、從天武帝

于東國、

日本紀

帝即位、論功封一百戶、賜田八

町位從四位下、慶雲四年卒、遣使贈正四位上、賜賻、子馬養、正七位下、大寶元年賜父封四分之一、靈龜二年加賜田、續日本紀

黃文大伴、壬申之亂、奉天武帝命、使于高坂王、追抵菟田、從駕焉、日本紀帝即位、論功封一

百戶、賜田八町、至正五位下、○本書或作山

背守、和銅三年卒、贈正四位下、賜賻、子粳麻

呂、從七位上、大寶元年賜父封四分之一、靈

龜二年加賜田、續日本紀

村國男依、壬申之亂、與和珥部君手、身毛廣、同奉天武帝命、發美濃兵三千人、以塞不破道、男依乘驛馳至鈴鹿、奏其狀、帝褒賞之、又與書根麻呂、和珥部君手、膽香瓦安倍、率兵數萬、自不破直入近江、破帝大友軍於息長、橫河、斬境部藥、進擊秦友足於鳥籠山、斬之、又戰於安河濱、而大捷、獲社戶大口、土師千島、既而進至瀨田、帝大友軍遂敗走、男依等軍粟津岡下、擊犬養五十君、谷鹽手斬之、帝

大友敗走自縊、男依獲其首、與諸將詣不破宮獻之、日本紀天武帝即位、封百二十戶、賜功

田十町、續日本紀四年卒、贈外小紫、日本紀子志我

麻呂、大寶元年賜父封四分之一、靈龜二年

加賜田、位從六位下、男依孫島主、正六位上、

美濃少掾、黨于藤原仲麻呂、及仲麻呂反、朝

廷遣使固關、島主內應歸正、而以其初逆、黨

遂誅之、天平神護二年、矜其刑、不中、贈從五

位下、續日本紀

三輪高市麻呂、續日本紀三輪作其先出

自素盞鳴命六世孫大國主、姓錄父曰利金

位大華上、續日本紀壬申之亂、大伴吹負在倭招

徠豪傑、高市麻呂應焉、與置始菟、將兵大破

帝大友軍於箸陵、斷廬井鯨軍後、鯨敗走、語

在吹負傳、持統朝為中納言、位直大貳、帝將

幸伊勢、高市麻呂上表切諫、帝不聽、遂定留

守官、於是高市麻呂上位冠于朝、再諫曰、方

今車駕遠動、恐妨於農務、終不納、日本紀○
按懷風藻

載藤原麻呂過神納言墟詩曰奉規終不用
 歸去遂辭官神納言者高市麻呂也據此
 然高市麻呂以諫不聽辭官致大寶中敘從四位
 上歷長門守左京大夫慶雲三年卒于官時
 年五十以壬申功臣贈從三位續日本紀卒
 栗隈王難波皇子子也公卿補任天智朝再拜筑
 紫帥壬申之亂帝大友使佐伯男發筑紫兵
 且戒曰栗隈王素附吉野若有拒命斬之男
 至筑紫栗隈受符不敢發兵曰筑紫是邊警
 之地峻城深隍非特為備內亂也今從命發

兵一旦有外寇則將如之何方此之時百殺
 臣而無益是以不發兵豈敢方命乎男欲進
 而刺栗隈栗隈二子三野王武家王帶劔侍
 側不果而歸天武帝三年拜兵政官長時四
 位四年卒日本紀後贈從二位續日本紀
 三野王續日本紀三野本書及續日本紀或作彌努
 天武帝九年奉詔與川島皇子忍壁皇子大
 錦下上毛野三千等撰定帝紀及上古事十
 年有遷都之議三野奉詔率宮內官大夫相

新城地時位小紫十二年再與小錦下采女
 筑羅往信濃相建都之地後進淨廣肆持統
 帝八年為太宰帥日本紀大寶元年始置大幣
 司以三野為長官歷左京大夫攝津大夫遷
 治部卿和銅元年卒續日本紀初三野至美濃娶
 縣犬養東人女生諸兄佐為姓氏錄諸兄自有
 傳佐為初為諸王後與諸兄賜姓橘宿禰至
 正四位下中宮大夫兼右兵衛率天平九年
 卒續日本紀

大伴安麻呂右大臣長德第六子也續日本紀壬
 申之亂從大伴吹負吹負奪飛鳥寺西營遣
 安麻呂等告不破宮後授小錦中日本紀進直
 大壹大寶元年改敘從三位尋為式部卿參
 議朝政遷兵部卿慶雲二年任大納言兼太
 宰帥進正三位後兼大將軍和銅七年薨贈
 從二位續日本紀稱佐保大納言萬葉集子旅人自
 有傳
 大日本史卷之一百十二終

大日本史卷之百十三
列傳第四十
權中納言從三位源光圀
修
男權中納言從三位綱條
校
玄孫權中納言從三位治保重
校
小野妹子
孫毛野
坂合部石布
津守吉祥
伊吉博德
栗田真人
坂合部大分
鴨吉備麻呂
多治比縣守
弟廣成

大日本史卷之二百十三

列傳第四十

權中納言從三位源光圀
修

男權中納言從三位綱條
校

玄孫權中納言從三位治保重
校

小野妹子
孫毛野

坂合部石布
津守吉祥
伊吉博德

栗田真人
坂合部大分
鴨吉備麻呂

多治比縣守
弟廣成

中臣名代

小野石根小野滋野 上毛野大川

合高原源 布勢清直

藤原葛野麻呂 子常嗣

小野妹子天帶彥國押人命六世孫米餅搗

大使主命之後也家于近江滋賀郡小野村

因為氏姓氏錄○按皇胤紹運錄系圖仕推

古朝位大禮十五年為遣隋使鞍作福利為

通事隋人呼妹子曰蘇因高居歲餘而還煬

帝使裴世清俱來報聘路為百濟奪其答書

妹子歸以實奏帝下羣臣議其罪曰使人之

職雖死不可失節何至失大國之書罪當流

刑帝敕曰勿輒罪之朕為隋客耻焉置而不

問乃遣飾騎迎世清於海石榴市勞之及其

歸國朝廷復以妹子為大使難波雄成為副

使福利為通事再聘于隋明年九月使事竣

而歸日本紀位至大德冠姓氏錄續子毛人位

小錦中續日本紀○明曆中有一鐵版乘寺邑

野毛人朝臣之墓其下行細書曰營造歲

次下五年十月上旬即葬其背曰飛鳥淨

大御原宮治天下天皇御朝任大政官兼刑部

武帝五毛人子毛野下

毛野持統朝位直廣肆九年為遣新羅使日本

紀文武朝進直廣參為筑紫大貳與大伴安

麻呂粟田真人等參議朝政敘正四位上為

中務卿和銅元年任中納言明年敘從三位

七年薨續日本紀

坂合部石布大彥命後也其先允恭帝時奉

敕立國境之標因賜姓坂合部連按姓氏錄

或作境部續日本紀石布作石敷日本紀齊

明帝二年作磐鋏而下文及伊吉博德書皆

作石布並石布齊明帝二年為遣高麗副使

尋敘小錦下五年為遣唐大使日本紀九月至

百濟南島又浮海遭逆風漂著南海爾加委

島為島人所殺東漢長阿利麻坂合部稻積

等五人奪賊船逃至括州州縣傳送至洛陽

日本紀註引伊吉博德書○按阿里麻等事

僅止于此蓋至東京隨副使吉祥朝見而日


本紀不載且其寶字元年太政官奏小錦下

坂合部宿禰石布奉使唐國漂著賊洲橫斃
 可矜依令下功其功田六町令傳其子續日本紀
 津守吉祥位大山下齊明帝五年為遣唐副
 使日本紀海中遭風與大使坂合部石布相失
 行一日夜至會稽須岸山東北風急數日至
 餘姚留資裝於此由陸路而進至越州府時
 高宗在東京遂乘驛入東京日本紀註引吉
伊吉博德書吉
 祥乃率所送蝦夷而朝日本紀註引
難波男書高宗問
 曰日本國天皇平安不對曰天地合德自得

平安又問執事卿等好在不曰天皇慈仁亦
 得好在又問國內平安不曰治講天地萬民
 無事高宗又問蝦夷地方風俗吉祥敷陳詳
 悉高宗善其對面慰諭曰使人遠來辛苦退
 在館裏後更相見十一月朔旦冬至高宗受
 賀蕃使悉朝吉祥亦見儀容最勝既而客館
 失火又有讒者由是得罪尋下令曰來年將
 有事于海東汝等倭客不得東歸遂幽于西
 京困苦經年伊吉博德書吉祥遠孫從五位下國

基為住吉社神主、世其職、至于今、系圖
伊吉博德、齊明朝遣唐副使、津守吉祥等在
唐、別倭種韓智興、倭人西漢太麻呂、讒我客
客等獲罪、唐已決流罪、流智興於三千里外、
博德在客中、申辨其誣、因得免、時唐有百濟
之役、遭幽西京、困苦經年、既而稟平、得歸國、
海中遭風、漂到耽羅島、率其王子阿波岐等
九人而來、耽羅入貢、是為始、日本紀註引博
德書○別倭種
三字、據日本紀白雉五年、文、按本書不載博
德名、註引博德書、今據之、其往來皆無所考

當天智帝稱制、博德位小山下、護送百濟司
馬法聰等、踰年而歸、大津皇子謀逆、博德黨
之、持統帝宥而不問、後進務大貳、與直廣肆
小野毛野等、使於新羅、日本紀大寶中、賞與定
律令功、賜田十町、封五十戶、敘從五位上、寶
字初、太政官奏、傳功田於子、續日本紀
粟田真人、其先出自天足國、押人命、錄姓氏真
人好學、能屬文、進止有容、新唐書天武朝授
小錦下、進直大肆、請迴授父、不許、持統朝為



筑紫太宰獻隼人一百七十四人及布牛皮鹿皮若干枚賞賜衣裳日本紀進直大貳文武朝與撰律令為民部尚書大寶元年為遣唐執節使改位號敘正四位下授節刀至筑紫風浪惡不得發歸京師二年參議朝政尋再赴唐至于楚州有人來問曰何國使真人曰日本國使此何州界曰是大周楚州鹽城縣也真人又問嚮稱大唐何緣改號曰永淳二年天皇太帝崩皇太后登阼稱聖神皇帝國

號大周聞海東有大倭國謂之君子國人民豐樂敦行禮義今見使人儀容閑麗豈不信乎言畢而去續日本紀至長安見武后賜宴麟德殿授司膳卿真人冠進德冠頂有華蘄四披紫袍帛帶唐廷稱其溫雅新唐書日本傳慶雲元年復命上節刀賜大倭田二十町穀一千斛二年拜中納言進從三位和銅初為太宰帥尋進正三位養老三年薨續日本紀坂合部大分右兵衛率大寶初為遣唐副使



大日本史 卷一百一十三 列傳

留居於唐、養老中隨多治比縣守而歸、授正

五位下、續日
本紀

鴨吉備麻呂、○本書、鴨或作
賀茂、音訓通、刑部判事、大寶

初為遣唐中位、慶雲中、以使絕域、賜絕綿布

綌、穀和銅、養老間、歷正總守、玄蕃頭、為河內

守、至從四位下、遷播磨守、管備前美作備中

淡路按察使、續日
本紀

山上憶良、大寶初為遣唐少錄、和銅末至從

五位下、靈龜中為伯耆守、養老中詔、每退朝

侍東宮、續日
本紀聖武朝為筑前守、憶良屬文、善

和歌、著歌林類聚、萬葉
集

伊吉古麻呂、大寶初從遣唐使、如唐、慶雲中

賞勞、賜絕綿布、綌、穀、○本書、大寶元年、二年、

末、不載古麻呂、而慶雲四年載、與天平初至

吉備麻呂同受賞、則如唐明矣、天平初至

從五位上、為下野守、續日
本紀

多治比縣守、左大臣島子也、慶雲中敘從五

位下、○按、本書、和銅三年、書、以從四位下、多

治比大縣守、為宮內卿、推前後文、位階

錯誤、且衍大、字、疑、靈龜初進從四位下、為造宮

錯簡、今不取、

卿擢遣唐押使、養老元年授節刀赴唐、唐書新

日本傳曰、開元初、粟田復朝、請從諸儒、授經、

詔四門助教趙玄默、即鴻臚寺為師、獻大幅、

布為贄、悉賞物、賀書、以歸、其副朝、臣仲滿、慕、

華不肯去、據續日本紀、粟田真人、大寶二年、

如唐、慶雲元年、歸、後不再往、唐書所載、粟田、

者蓋縣守也、養老元年、當唐開元五年、與所、

謂開元初、合仲滿、玄宗賜朝服、逾年而歸、三、

如唐、亦此時也、

年正月、縣守率副使以下、著唐服朝見、尋進

正四位下、為武藏守、管相模上野下野按察

使、除播磨按察使、四年、陸奧蝦夷反、殺按察

使上毛野廣人、縣守為持節征夷將軍、授節

刀、討平之、明年、即授正四位上、凱旋為中務

卿、○按本書曰、征討陸奧蝦夷、大隅薩摩、隼

人將軍、已下、及蝦夷有功者、譯語人、授勳、

有差考、前列、而無明文、蓋縣守亦預、遷太宰大貳、天

授勳之、

平元年、權為參議、進從三位、尋為民部卿、三

年、以諸司推舉、擢參議、為山陽道鎮撫使、四

年、拜中納言、為山陰道節度使、進正三位、九

年、薨、續日本紀、日、年七十、補公卿、弟廣成、續日本紀、

廣成、和銅中、任下野守、為迎新羅使副將軍、

養老中、遷越前守、管能登越中、越後按察使、

太平御覽卷一百一十三

天平四年為遣唐大使五年授節乃赴唐六年將歸值暴風四船相失逾月廣成漂著多禰島七年歸京師上節乃敘正四位上帝觀騎射於北松林廣成率唐人奏唐樂新羅樂弄槍又獻請益秦太麻呂問答六卷九年拜參議陞中納言從三位十一年薨續日本紀日廣成好文學善詩懷藻風初在唐稱姓丹墀子孫因用丹墀字三代實錄貞觀八年○曲江集玄宗敕書亦稱丹墀真人中臣名代御食子曾孫父島麻呂小山中臣中

系圖名代天平初敘從五位下四年為遣唐副使明年赴唐續日本紀日遭風飄蕩南海艱虞備至僅得達唐曲江集玄宗敕書八年齋玄宗書率唐人皇甫東朝等三人及波斯國人李密翳而歸○齋玄宗書帝臨朝授名代從四位下為神祇伯坐藤原廣嗣事被流○本書失地考踰年召還復位十七年卒續日本紀日子鷹主系圖敘正六位上寶字中唐使沈惟岳等送高元度至太宰府朝廷將護送惟岳等命遣唐使敕造四

大和天皇卷一百一十三 列傳

船於安藝、鷹主為遣唐判官、船成至難波、
 船膠泥破裂、因減使人、限兩船、賜鷹主從五
 位下、為大使、授節刀、至太宰府、風波簸蕩、救
 放還惟岳等、召還鷹主等、鷹主歷肥前守、武
 部少卿、坐事削籍、寶龜中復位、為大判事、延
 曆中為鑄錢長官、進從五位上、歷神祇大副、
 信濃守、續日子紀、伊賀守、從五位下、系圖
 小野石根、太宰大貳老子也、寶字中敘從五
 位下、歷南海道節度副使、長門守、造宮大輔、

景雲中為近江介、寶龜中任中衛少將、兼左
 中辨、轉中將、兼鑄錢長官、進從五位上、七年
 遣唐大使佐伯今毛人等至肥前、以不得便
 風歸京師、因罷副使、大伴益立以石根為副
 使、八年兼播磨守、四月今毛人病、敕石根持
 節先發行大使事、敕曰、大使今毛人病重不
 堪進途、汝等至唐之日、彼若問無大使者、量
 事分疏、石根著紫、猶稱副使、持節行事、一如
 前敕、九年正月至長安、三月見代宗於延英

殿及歸代宗令內使趙寶英等俱來十一月
 風濤險惡第一船破石根寶英等没于海明
 年贈石根從四位下續日本紀 小野滋野寶龜中為救者大丞兼下總權介
 六年為遣唐判官八年赴唐九年十月還至
 肥前松浦郡橘浦奏言臣滋野等寶龜八年
 六月候風入海七月與第一船同至揚州海
 陵縣八月至揚州大都督府觀察使兼長史
 陳少游以祿山亂館驛彫弊限使人六十人

入長安十月臣等八十五人發行百餘里得
 中書門下牒擢節限二十人臣等請加二十
 三人持節副使小野石根副使大神末足准
 判官羽粟翼錄事上毛野大川韓國源等凡
 四十三人明年正月至長安城監使特勾當
 使院禮待優厚中使不絕禮見於宣政殿乃
 進國信唐帝大喜示羣臣三月引見延英殿
 所請皆許賜宴宮中賜物有差四月監使楊
 光耀宣敕云將遣中使趙寶英等齎報信物


往日本命揚州造船卿等知之及拜辭奏云
 本國海路遙遠漂蕩不測今中使岳往冒涉
 波濤萬一顛躓恐曠王命敕朕有少信物差
 寶英等押送道義所在不以為勞乃賜銀錠
 酒以為餞六月至揚州船未成中使奏狀寄
 乘臣等船第一第二船在揚子塘頭第四船
 在楚州鹽城縣九月臣船得正南風解纜行
 三日忽遭逆風船著沙上損壞頗多竭力修
 造今月十六日船浮入海二十三日至肥前

松浦郡橘浦唐客隨臣入朝迎接祇供一同
 蕃例臣具牒太宰府以令準擬唐今天子廣
 平王名迪○按代宗初名俶蓋迪俶音年五
 相近當時傳聞用迪字耳十三年
 十三太子雍王名适年號大曆正當十三年
 敕令滋野等速入京師初寶英等與小野石
 根乘第一船没于海唯孫興進等與滋野共
 來滋野敘從五位下為豐前守續日本紀
 海上三狩敏達帝之裔也錄姓氏初為諸王勝
 寶中賜姓寶龜六年為遣唐判官明年至肥

前不得風便、大使佐伯今毛人病歸京師、三狩等留府待期、時人善之、既而如唐、比歸漂著耽羅島、為島人所略留、敕遣太宰少監下道長人於新羅、迎三狩、新羅求得三狩、隨長人歸、為太宰少貳、延曆中至從五位上、歷兵部太輔、右中辨、造長岡宮使、續日本紀子真直、延曆中以宿怨殺父妾婢、下獄死、類聚國史羽栗翼、山背乙訓郡人、寶龜六年以佐伯今毛人為遣唐大使、翼為其錄事、尋改准判官。

兼敕旨大丞、從副使小野石根赴唐、九年還自唐、尋授從五位下、天應元年奉敕至難波、鍊朴硝、延曆中為丹波介、改內藥正、兼侍醫、又歷左京亮、內藏助、至正五位下、續日本紀字三年、以高元度為迎入唐大使、而不書判官錄事、五年、元度歸自唐、授從五位上、而其錄事羽栗翔、留河清所、而不歸、歷考本書翔出于此之外、不再見、翔翼字相近、蓋一人乎、然今無所考、

上毛野太川寶龜中為遣唐錄事、歸補大外記、兼山背守、延曆中至從五位下、為主計頭、



續日本紀 山背古麻呂中主孫五郎下麻呂等

高原源本姓韓國連續日本紀與物部同祖其先

某武烈時以使韓國賜姓韓國錄姓氏源寶龜

中為遣唐錄事歸與海上三狩等漂著耽羅

島三狩等為島人所拘源率餘衆四十餘人

而逃歸延曆中至外從五位下上表曰臣等

物部大連苗裔夫物部連等各因居地行事

別為百八十氏是以源等先祖鹽兒以父祖

奉使國名故改為韓國連則大連苗裔是日

本舊民今號韓國反似三韓之新來至於唱

導每驚人聽因地賜姓古今通典伏望改賜

高原詐之續日本紀

布勢清直寶龜中歷少納言武藏介九年為


送唐客使護唐客孫興進等赴唐天應元年

歸至正五位下為兵部大輔延曆初歷民部

大輔上總守續日本紀

藤原葛野麻呂大納言小黑麻呂長子也公卿

補任延曆初叙正六位上進從五位下尋歷陸



奧介少納言右少辨續日本紀兼春宮亮歷左右

中辨兼春宮大夫伊豫守遷右大辨為太宰

大貳二十年拜遣唐大使兼越前守公卿補任臨

發宴餞殿上依漢儀賜酒御牀下作和歌

優勞之葛野麻呂感泣左右無不嘆羨賜御

被三領御衣一襲金二百兩辭見受節力會

暴風破船不得進而還日本紀略二十三年累進

從四位上公卿補任又赴唐宴餞殿上作樂賜寶

琴一張經十月達長安謁德宗於宣化殿二

十四年還自唐進從三位日本紀略大同元年累

歷參議兼式部卿為東海道觀察使尋為中

納言進正三位兼皇太弟傅公卿補任尚侍藥子

之變葛野麻呂嘗諫上皇不納事敗帝以其

與藥子有姻媾欲抵重罪多入鹿為證前言

事遂寢國類聚尋遷民部卿公卿補任弘仁九年薨

年六十四日本紀略子常嗣續日本紀氏宗氏

宗仁壽齊衡間任參議補檢非違使別當歷

左近衛中將左衛門督公卿補任貞觀中敘從三

位、進中納言、兼左近衛大將、轉權大納言、三代

實錄、公卿補任、時詔參議以上、論時政得失、藤原良

相、紀今守等、各上意見、久之不報、氏宗上疏

請、擇其切要者以施行焉、頃之、轉左近衛大

將、氏宗雅重藤原基經才器、表請讓大將、不

許、歲餘進正三位、為大納言、兼東宮傅、明年

拜右大臣、辭不許、乞割職封之半、且職分資

人、職田季祿准大納言、優詔嘉之、唯聽割職

封之半、十四年薨、三代實錄、年六十四、公卿補任、按本書

又曰、延曆十四年生、據此推之、則輟朝三日、

年七十八、一書矛盾、未知孰是、贈正二位、遣參議在原行平等、齋敕書告身、

就第宣賜、家人遵遺命不受、日本紀略

常嗣、少遊大學、涉獵史漢、諳誦文選、善屬文、

兼能隸書、稟性明幹、威儀可稱、續日本紀、弘仁

十一年、任右京少進、遷藏人式部大丞、敘從

五位下、為下野守、不之任、留為東宮亮、遷右

少辨、天長初、歷式部少輔、兼勘解由次官、坐

事左降刑部少輔、既而補藏人頭、兼勘解由

長官任參議九年兼下野守右大辨承和元年為遣唐持節大使兼近江權守明年轉左大辨餘官如故累進正四位下續日本後紀參取公卿補任三年赴唐假正二位授節刀帝御紫宸殿賜宴命五位以上賦詩送之常嗣進上壽帝為舉盃賜御衣白絹御被砂金極驪而罷洋中遇風其兩船漂泊太宰府上言敕符慰之常嗣上表謝罪竟不得進朝旨因西土彫弊判官以下舟行還京師大使副使聽去留自

便常嗣還京四年任太宰權帥明年三月又赴唐六年八月歸朝帝御紫宸殿受報書引常嗣近御坐慰勞之置酒殿上常嗣具陳使狀及路中艱難賜御被御衣敕曰遣唐大使藤原常嗣遠度海濤歷涉殊苦克竟使事得報而還可不嘉哉其常嗣以下至水手宜進冠位判官正六位上藤原豐並在唐身亡朕甚憇惜宜加褒典授常嗣從三位追贈豐並從五位上自餘判官進位有等是歲遭母喪

長官任參議九年兼下野守右大辨承和元年為遣唐持節大使兼近江權守明年轉左大辨餘官如故累進正四位下續日本後紀參取公卿補任三年赴唐假正二位授節刀帝御紫宸殿賜宴命五位以上賦詩送之常嗣進上壽帝為舉盃賜御衣白絹御被砂金極驪而罷洋中遇風其兩船漂泊太宰府上言敕符慰之常嗣上表謝罪竟不得進朝旨因西土彫弊判官以下舟行還京師大使副使聽去留自

明年敕起視事尋薨年四十五當時相襲中

專對之選者唯常嗣父子而已續日本紀三子

興邦文弘葛覽尊卑分脈興邦承和齊衡間累官

為東宮亮文德實錄貞觀中至從四位下三代

實錄文弘從五位下丹波守葛覽正六位上日

向守尊卑分脈

大日本史卷之一百十三終

